

SARS E NTSE E SEBETSA NA LE HO LOKISA NTLHA E ITSENG YA EFILING

Pretoria, Laboraro, 3 Phupu 2019 - Ditshebeletso tsa Lekgetho tsa Afrika Borwa (SARS) di sehlohlolong sa ditaba mabapi le bothata boo ba bang ba balefalekgetho ba teanang le bona. Sena se etsahala ha ba boloka dikgutliso tsa bona tsa lekgetho la lekeno mme hanghang ba bule kgutliso le ho tobetsa konopo ya tshebetso ya palo ya lekgetho pele foromo e ka sebetswa ka botlalo. Bothata bona bo mpefatswa le ho feta ha balefalekgetho ba tobetsa konopo ena makgetlokgetlo boitekong ba bona ba ho boha kgutliso.

SARS e tlo lokisa taba ena ya dikonopo kaofela ha tsona, ho kenyeleditswe le ena ya tshebetso ya palo moo di tla bang putswa ka nako eo foromo e ntse e sebetswa ka yona. SARS e tla boela e beha moedi hodima makgetlo a ho tobetswa ha dikonopo hore e tobetswe hang feela.

SARS e leboha bohle ba faetseng e sa le ka nako le ho re lemosa ka mathata ana mme re kopa tshwarelo ho balefalekgetho ka bothata bona, haholoholo bao ba ikemiseditseng ho ikobela tefo ya lekgetho ka ho tlatsa dikgutliso tsa bona tsa lekgetho la lekeno esale ka nako.

Re kgothaditswe ke ho ikakgela ka setotswana ho pakahatswang ke palo ya dikgutliso tsa lekgetho tse nyehetsweng ka eFiling monongwaha. Ka mora matsatsi a mabedi feela a eFiling, SARS e se e amohetse batho ba fetang halofo ya miliyone ba sebedisitseng sena, mme ba 297488 ke ba kopileng dikgutliso tsa bona ha ba 88140 e le ba ileng ba faela.

SARS e thabisitswe ke kananelo e kaana ya dikanale tsena tsa dijithale mme re tla dula re sebetsa ka thata hore sena se be bonolo le ho feta.